



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ,  
Orthodoxorum Medicorum Patrono.

QUÆSTIO MEDICO-CHIRURGICA.

QUOD LIBET ARIIS DISPUTATIONIBUS  
manè discutienda, in Scholis Medicorum, die Jovis vigesima  
mensis Februarii Anno Domini M. DCC. XLIV.

M. JACOBO-ANTONIO MILLET, Doctore  
Medico, Præsidente.

*An Periti Chirurgi Solertiam non minus, quam Rationalis Medici  
Prudentiam requirant Venæ-sectione?*

I.



ANGUINIS per venam sectam missio, præstantissimum  
magnorum morborum aut ingruentium, aut jam sævientium  
auxilium, ab antiquioribus Medicinæ sæculis usitatum, per  
spontaneas, in ægrorum commoda, excretiones à naturâ indi-  
catum, Medici rationalis prudentiam, simul & periti Chi-  
rurgi solertiam, si ullum aliud, postulat, non modò ut juvet,  
sed ut non noceat. Hanc promiscuè nihilominus suadere,  
celebrare audent mimorum genus omne, consilii, solertiæ inops; sed quo even-

A

tu ? Heu ! Sæpiùs Parentum , Amicorum , Civium lacrymæ loquuntur , ut potè ex quorum Familiâ , Societate , Republicâ sublatus est æger. Usquè adeò verum est, felicem sanguini exitum concedere , hoc demum esse prudentis & rationalis Medici , tutò viam aperire , periti , solertisquè Chirurgi. Hujus consorti partem in missione sanguinis , perindè ac in cæteris morborum auxiliis , suam unicuique nobilissimam , ipsâ artis Principum ætate definitam testantur antiquiores rerum medicarum scriptores ; Hinc in singulorum auxiliorum qualitate cognoscendâ , quantitate determinandâ , iisdem utendi ratione dirigendâ , opportunâquè temporis occasione arripiendâ Medici officium ; in artificiosa verò manuum actione Chirurgi ministerium statuit GALENUS *De arte curatio. In lib. Hippocrat. de offic. Med. & in finitionib. Medic.*

## I I.

**M**EDICUS Rationalis species , causas , magnitudinem vitiorum , quibus sive interiùs sive exterius afficitur corpus humanum , dijudicans , habitâ ratione virium , quas pari cum vitâ passu ambulare novit , debiles ex opprefione discernit ab eis quæ tales sunt ex resolutione , ut venæ sectiones harum extinctivas supprimat , necessariumquè ad vitam nectar asservet , dum felici distracçãoe laborantis naturæ conatus adjuvat , aggravatasquè à sanguinis quantitate & impeditas vires expedit. In secandæ venæ delectu intelligens , ab inflammatâ parte sanguinis impetum & copiam in partem oppositam revellit , felicemquè tumoris , vulneris , ulceris , luxationis , aut fracturæ exitum promoveret : quamvis enim missionem sanguinis , è quâcumque venâ , dextri vel sinistri , pedis aut brachii , &c. celebratam , evacuatoriam esse eo evidens sit , quòd in tantum minuitur humorum moles , in quantum sanguis extrahitur , quoniam tamen apertâ venâ major sanguinis quantitas ad quasdam corporis partes quàm ad alias apellit , adeoque revulsio fit respectivè ad partes ad quas minor quantitas , derivatio verò respectu earum ad quas major advenit , idcirco non est ex quâlibet venâ promiscuè sanguis educendus.

## I I I.

**S**CILICET Missionem sanguinis præcipuè indicant Plethora , Rarefcentia , Spissitudo cum Plethorâ , Hærentia illius fluidi in quibusdam vasis , undè in aliis sequitur Plethoræ status. His in casibus adveniente jugiter novo sanguine , dilatantur ultrâ tonum vasa , debilitantur eorum oscillationes , languet circuitus humorum , parciore sunt secretiones , functiones impediuntur ; datâ autem per venæ sectionem portâ , sanguis toto corpore luxurians emittitur , proindequè hujus imminutione decrefcit momentum quo arteriis in contractionem nitentibus reluctatur ; hinc augetur in illis contractio , promovetur sanguinis subactio , fluiditas , circuitus , copiosiores sunt secretiones , restituitur functionibus libertas. Verùm cuiuscumque venæ sectio instituat , uberior sanguinis quantitas , majori velocitate , per omnes arteriæ ramos venæ sectæ continuos , saltem per totum missionis tempus , derivatur , tum pro-

pter minorem resistantiam, tum propter brevius iter percurrendum; si ergò ex affectæ partis latere vena secetur, ad hanc partem copiosius & velocius irruens sanguis arterias, à quibus eum accipit, magis distendet, hærentem jam in illis cruorem ad earundem extrema urgebit; hic denegato in venas aditu lymphaticorum orificia subibit, inflammationem adaugebit. Contrà verò misso ex parte oppositâ sanguine, minor ejus quantitas ad affectam lentius affluit, vasa, imminuto novi sanguinis appulsu, liberiores edunt oscillationes, & juvante assiduo lymphæ adventu, hærentem in arteriis lymphaticis cruorem terunt, dividunt, fluxum illius per venas lymphaticas in sanguiferas promovent, sicquæ, restituto propriis canalibus sanguine, feliciter terminatur inflammatio, tumorisquæ, vulneris, ulceris, luxationis, vel fracturæ haud difficili negotio absolvitur curatio.

#### I V.

CUM itaquæ, habito ad partem laborantem respectu, sanguinem ex hac vel illâ venâ, magis aut minùs iteratis vicibus, majori vel minori quantitate, pro morbi specie, causâ, magnitudine, ægri viribus, temperamento, ætate, &c. opportunè mittendum judicaverit prudens & rationalis Medicus, tum Chirurgus in consortium salutaris ministerii accedens, ad operationem, simplicissimam quidem, sed quandoquæ omnium difficillimam, intrepidè se accingit. Hic acutè videns, corporis partium structurâ, vasorum sanguineorum dispositione, obviorem nervorum distributione, fibrarumquæ carnearum aut tendinearum cognitione haud leviter eruditus, comparatâ à teneris annis assiduo usu ambidexteritate celeri, quàm Medicus secandam judicavit venam sedulò indagat, nè vel cutim tantùm feriat, & ictum repetere cogatur, vel tendinem, nervum, aut arteriam secet; deindè, habito ad cor respectu, ligaturam suprâ locum aperiendum præmittit, ut, impedito ad fontem sanguinis reditu, tumidior fiat vena; tum lanceolam magis aut minùs perpendiculariter ad cutim dirigendo, pro magis aut minùs profundo venæ secandæ situ, ipsam venam obliquè findit; mox vel pedem aquæ calidæ immittit, imò quandoquæ manum, quò fluidior in hac parte reddatur sanguis, & venæ magis tumeant, vel baculum ad manum imponit, ut leni motitatione promptior fiat è venâ brachiali fluxus; interea ligaturam laxat, si arteriam nimium comprimat; tandem emissâ sufficienti sanguinis quantitate, illam omninò aufert, impositoquæ digito, plagulâ, ut plurimum siccâ, quandoquæ autem vino madidâ, si nempe vel thrombo circumcincta observetur apertura, vel sanguis intra cutim expansus suspicetur, vulnus ad consolidationem disponit.

#### V.

SIMPLICI hoc apparatu celebratur utilissima omnium operationum Chirurgicarum Phlebotomia; at quanta in paucis hiscè peragendis requiratur ex parte Chirurghi solertia declarant funesti, qui imperitè celebratam operationem sequuntur, eventus: si enim arteria, nervus, tendo, aponeurosis, aut periosteum pungantur, succedentibus, heu! sæpiùs, anevrismate, pul-

4

facione, dolore, tensione, inflammatione, abscessu, febre, convulsionibus, delirio, gangrænâ, sphacelo, mortem præmaturam in saluberrimi remedii administratione invenit æger, nisi, auxilientibus de novo Rationalis Medici Prudentiâ, Peritiquè Chirurgi Solertiâ, promptissimè tam sæva compescantur symptomata.

*Ergo Periti Chirurgi Solertiâ non minus, quàm Rationalis Medici  
Prudentiam requirit Vena-sectio.*

### DOMINI DOCTORES DISPUTATURI.

<i>M. Joannes-Jacobus Belleteste.</i>	<i>M. Antonius Ferrein, è Regiâ Scientiarum Academiâ, Pro- fessor Regius &amp; Chirurgiæ Professor.</i>	<i>M. Thomas-Renatus Gasmier.</i>
<i>M. Michael Philippus Bouvart, è Regiâ Scientiarum Acade- miâ.</i>	<i>M. Bartholomæus Murry.</i>	<i>M. Philippus-Davies de Brevil- le, Doctorie hispaniarum Re- giæ, dum viveret, Medicus ordinarius.</i>
<i>M. Michael-Josephus Majault.</i>	<i>M. Carolus Payen.</i>	<i>M. Guillelmus de Magny.</i>

Proponēbat Parisiis, FRANCISCUS-SALESIUS-DANIEL POUILLIN, Aurelianus, Doctor Medicus Monspeliensis, è Regiâ Scientiarum Societate Monspeliensi, Saluberrimæ Facultatis Medicinæ Parisiensis Baccalaureus, A. R. S. H. 1744. à sextâ ad meridiem,